



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXIX. Donum monasterio sancti Mauri super Ligerim factum ab
Anouvarecho Britone anno DCCCXLVII. cujus mentionem facit Odo in libro
de miraculis sancti Mauri cap. 8.

urn:nbn:de:hbz:466:1-22974

LXVIII.

Præceptum Karoli Regis, quo villam vocatam ad illum brogilum confert & donat monasterio Fossatenfi.

An. 845.
Ex char-
tulario mo-
nasterij
Fossatenfi.

IN nomine sanctæ & individuæ Trinitatis. Karolus gratia Dei Rex. Cùm locis divino cultui mancipatis ob divinæ servitutis amorem opem congruam ferimus, & regium morem decenter implemus, & id nobis profuturum ad æternæ remunerationis præmia capeſſenda veraciter credimus. Itaque notum sit omnibus sanctæ Dei Ecclesiæ fidelibus & nostris præsentibus atque futuris quia venerabilis vir Ingelbertus monasterij Fossati Abba ad nostram accedens sublimitatem, ad memoriam celsitudinis nostræ reduxit qualiter Dominus & genitor noster piæ recordationis Augustus Hludovicus quandam villam quæ vocatur ad illum brogilum ad admonitionem seu deprecationem Aldrici Cenomanensis Episcopi matri Ecclesiæ ejusdem civitatis in honore gloriosorum martyrum Christi dicatæ Gervasij & Protasij imperiali auctoritate reddiderit seu restituerit, ea videlicet ratione ut ab amore Dei & ejusdem genitoris nostri animæ remedium regularis normæ inibi constitueret habitationes & monachici ordinis aggregaret habitatores; ac proinde per licentiam ejusdem Domini Imperatoris idem Aldricus Episcopus præfatum reverendum Abbatem Ingelbertum precatus est ut sibi commodaret monachos qui secundum patris Benedicti institutionem docerent hujus seculi periculum evadere ipsius doci monachos. Sed quia variis mundi emergentibus calamitatibus rara voluntas raræque devotio genitoris nostri de præmissis loco non plenarium obtinuit effectum, placuit clementiæ nostræ eandem villam à potestate sanctorum præscriptorum martyrum commutare seu concambiare; su-prataxatæque Fossati monasterio regaliter conferre seu delegare, scilicet ut prænominati Abbatibus prænominateque monasterij religiosorum virorum studio plenarium effectum prænotata piissimi genitoris nostri obtineat devotio. Quocirca hanc præcellentiæ nostræ regalem præceptionem fieri jussimus, per quam cum suis appendiciis memoratam villam quæ dicitur ad illum brogilum plerumque dicto monasterio Fossati in honore sanctæ Dei genitricis Mariæ sanctique Petri Apostolorum principis structo pleniter conferimus & regaliter firmamus; scilicet ut sicut supra significavimus, proſit ad salutem animæ genitoris nostri, monachorum ibi fiat congregatio, regularisque fervetur perennibus temporibus religio, nihilque ab eadem villa, quam deinceps volumus vocari monasterium filci dominici, aut in qualibet alia parte requiratur aut exigatur, sed quicquid exinde fieri potest in honestatibus ejus loci seu Fossati monasterij, cui eundem locum conjungimus, proficiat in augmentum, cum stipendiis monachorum eorundem locorum proſit in adiutorium, & animæ memorati Domini genitoris nostri Augusti Hludovici præstet remedium. Vnde etiam obſeramus omnes quoscunque post nos in regni hujus

* si quis spe-
rare potest,

gubernatione divina pietas subrogaverit ut ita hanc piæ devotionis nostram imprævaricabilem fervent auctoritatem veluti sua pia jura ab ipsis statuta post se observari voluerint. Quam denique serenitatis nostræ auctoritatem, ut plenioris semper in Dei nomine obtineat firmitatem, more regio manu propria subter firmavimus & de anulo nostro sigillari jussimus.

Signum Karoli gloriosissimi Regis.

Aneas Notarius ad vicem Hludovici recognovit.

Data v. Idus Octobris Indictione v. 1111. in anno v. 1. regni Karoli gloriosissimi Regis.

Actum in villa Rautiaco in Dei nomine feliciter. Amen.

LXIX.

Donum monasterio sancti Mauri super Ligerim factum ab Anouwarecho Britone anno DCCCXLVII. cujus mentionem facit Odo in libro de miraculis sancti Mauri cap. 8.

QUicumque fidelium de propriis facultatibus Ecclesiam Dei locupletat usibusque servorum Dei donat, ab eodem largissimo retributore præmia recipiet æterna. Idcirco ego in Dei nomine Anouwarech Britannia provinciam ortus, quæ mihi à Deo revelata sunt pandere volo fidelibus. Nocte quadam, dum lectulo quiescerem, mihi præceptum est per visionem ut ad monasterium sancti Mauri pergerem, quod situm est in pago Andegavenſe super fluvium Ligerem. Quo in loco dum venissem, & pro peccatis meis preces funderem, fratresque vespertinam sinaxim celebrarent, per fenestram vidi ab australi parte altaris angelum ingredi. Hunc sequebatur vir venerabilis præferens habitum Diaconi, qui unâ cum angelo ante altare stetit; convertensque se ad chorum, expansis brachiis iterum se convertebat ad angelum, quasi offerret munera orationum. Angelus autem ab eo suscipiebat, & Deo præsentabat. Finita verò oratione à sacerdote, angelus visus est per fenestram orientalem exire. Diaconus verò ad me venit, & hæc verba dixit: Sæpe hac venio, & quod vidisti facio. Ego verò confidens per merita sancti Mauri peccatorum veniam consequi, trado ad eundem locum in quo hoc vidi, hoc est, ad Glandifolium, partem meæ hereditatis quam habeo in Britannia, hoc est, terram quæ dicitur Anaſt, cum Ecclesia sancti Petri nomine fundata, & capellas eidem Ecclesiæ subjectas, excepta Ecclesia quæ est sita in villa quæ dicitur Mirhenella sacrata in honore sancti Martini. In hac hereditate quam dono Deo & sancto Mauro Comes neque Vicecomes nec ulla secularis persona aliquam consuetudinem accipit, sed nec Episcopus in Ecclesiam præter synodalem paratam, hoc est, duos solidos. Donum autem hujus rei est hæc bibliotheca veteris ac novi testamenti. Hoc autem donum mei supradicti alodi Anaſt si quis sancto Mauro quocunque modo abstulerit, per tuo anathemate damnatus pereat in æternum. Amen. Actum monasterio

Ex veteri
codice bi-
bliothecæ
regiæ.

* Hæc vox
superflua
est.

nafterio Glandifolio anno dominicæ incarnationis octingentesimo quadragesimo septimo, regni autem Regis Karoli anno octavo * decimo, gubernante præfatum monasterium Gauzberto sub dominatione Ingelberti venerandi Abbatis cænobij Foffatensis.

L X X.

Carta Karoli Regis qua confirmat permutationes factas inter Episcopum Parisiensem Herkenradum & Abbatem Foffatensem Eginhardum de silva Vilcena pro Abbate Foffatensi ad silvam in loco qui Buxiacus appellatur pro Episcopo Parisiensi.

An. 847.
Ex chartulario monasterij Foffatensis.

IN nomine sanctæ & individuæ Trinitatis. Karolus gratia Dei Rex. Si enim ea quæ fideles regni nostri pro eorum opportunitatibus inter se commutaverint, nostris confirmamus edictis, regiam exercemus consuetudinem, & hoc in postmodum jure firmissimo mansurum volumus. Itaque notum sit omnibus fidelibus sanctæ Dei Ecclesiæ & nostris presentibus scilicet atque futuris quia venerabiles viri Herchenradus Parisiensis Episcopus & Eginardus Foffatensis monasterij Abbas ad nostram accedentes presentiam innotuerunt qualiter inter se pro ambarum partium opportunitate quasdam res commutassent vel concambiasissent. Dedit igitur præfatus Herchenradus Episcopus ex rebus Ecclesiæ sibi commissæ, de villaque vocatur Fontanedus, ad partem Eginardi Abbatis & Ecclesiæ suæ perpetuiter ad habendum, unâ cum consensu Canonorum suorum, concidendi quæ vocatur Vilcena, habentem in gyro perticas quingentas xxxvii. E contra dedit Eginardus Abbas unâ cum consensu monachorum suorum ad partem Ecclesiæ Parisiensis & Erehenradi Episcopi silvam in loco qui dicitur Buxiacus habentem in gyro perticas quingentas xxxvii. Quorum rerum circumjacentiæ & laterationes in commutationes quas exinde inter se æquo tenore conscripserunt & legaliter firmaverunt, pleniter confirmantur. Quas denique nobis ostendentes, petierunt humiliter ut eas per præceptum nostrum confirmare dignaremur. Quorum deprecationibus libenter assensum præbentes, hoc scriptum celsitudinis nostræ fieri præcipimus, per quod præcipimus atque firmamus ut quicquid pars iustè vel rationabiliter alteri contulit parti, sicut in memoratis commutationibus continetur, jure firmissimo teneat atque possideat. Et ut hæc nostræ roborationis auctoritas firmam & inconvulsam semper in Dei nomine obrineat soliditatem, anuli nostri impressione subter eam iustissimus insigniri.

Gislebertus Notarius ad vicem Hladovici recognovit.

Data VI. Nonas Madij anno v i i i. regni Karoli gloriosissimi Regis, Indictione x.

Actum in Compendio regio palatio in Dei nomine feliciter. Amen.

Tom. II.

L X X I.

Præceptum Lotharij Imperatoris quo confirmat commutationem factam inter Agilmarum Viennensem Archiepiscopum & Rostanum.

IN nomine Domini nostri Iesu Christi Dei æterni. Hlotharius divina ordinante providentia Imperator Augustus. Si * cum ea quæ fideles imperij nostri pro eorum opportunitatibus inter se commutaverint nostris confirmamus edictis, imperialem exercemus consuetudinem, & hoc in postmodum jure firmissimo mansurum esse volumus. Igitur comperiat omnium sanctæ Dei Ecclesiæ ac nostrorum presentium scilicet & futurorum industria quia Agilmarus venerabilis Archiepiscopus ad nostram accedens majestatem retulit quòd cum Rostano quondam pro utriusque partis utilitate ex eorum rebus propriis fecisset commutationem. Dedit igitur jamdictus Agilmarus præfato Rostano ad proprium in pago Viennensi quicquid in valle Venusca habuit, & in regno Aquitanico villas quæ Canalillas, Potiolis, Flaviacus, & Puxerolas nominantur. Et è contra in compensatione harum rerum dedit præfatus Rostanus ex rebus propriis jamdicto Agilmaro ad proprium in pago Lugdunensi sub integritate villam quæ Calmis & Curgnus nominantur. Vide & duas conventiones æqualem habentes tenorem inter se sollempni jure corroborari decreverunt, quas nostris detulit obtutibus, omnimodis exposcens eas nostro sancti munimine. Cujus petitionibus adimplere statuentes, hos nostræ excellentiæ decrevimus fieri apices; per quos præcipimus ut quicquid pars alteræ contulit parti, deinceps per hanc nostram auctoritatem jure firmissimo teneat atque possideat, vel quicquid exinde facere decreverit liberam in omnibus habeat potestatem. Petiit etiam idem Agilmarus ut per nostræ auctoritatis conscriptionem ei sanciremus res quas in pago eodem in villa Pavafanis ab Vgone & uxore ejus Ingelsuindim per delegationem cartulam adquisivit. Nos verò ejus petitionem rationabilem esse censentes, memoratas res à jamdictis viris perenniter illi contraditas, prout plenius in eorum corroboratione continetur, illi per hoc nostrum præceptum sancimus modisque omnibus confirmamus, quatinus omnium postpositam iniquam machinationem eas retineat, & quicquid exinde facere decrevit liberam in omnibus habeat potestatem. Et ut hæc nostræ confirmationis auctoritas firmior habeatur & diligentius conservetur, de anulo nostro subter eam iustissimus sigillare.

Signum Hlotharij serenissimi Augusti.

Daniel Notarius ad vicem Hilduini recognovit.

Data I I I. Idus Novembris anno Christo propitio imperij Domini Hlotharij pij Imperatoris in Francia i x. & in Italia x x i. Indictione x i.

Actum Theodonis villa palatio regio in Dei nomine feliciter. Amen.

Z Z z z

An. 848.
Ex chartulario Ecclesiæ Viennensis.
* enim.

Ex vni
odice h
ioritaz
rgia.